



UNIVERSITÄTS-
BIBLIOTHEK
PADERBORN

Universitätsbibliothek Paderborn

**De Collegiis Canonicorum Per Germaniam, Belgivm,
Galliam, Hispaniam, Italiam, Aliasque Orbis Christiani
Prouincias, Liber Singvlaris**

Le Mire, Aubert

Coloniae Agrippinae, 1615

Capvt LXXXVII. S. Gengvlphi Collegivm Florienense, in d. Leodiensi.

urn:nbn:de:hbz:466:1-11227

150 DE CANONICORVM

fuisse videmus. Nam illis maximam partem templorum cathedralium dicatam videmus; B. Virginis enim nomen tricies quater repeti videmus; Sancti Stephani quindecies; S. Petri decies; S. Pauli, bis; S. Ioannis Baptistæ, S. Andree, S. Mauritij, S. S. Geruasij & Protasij ter; S. Vincentij quater; S. Nazarij bis; S. Martini bis; Sancti Iusti bis; ceterorum Sanctorum Sanctarumque semel tantum.

CAPVT LXXXVII.

S. GENGVLPHI COLLEGIVM

Florinense, in d. Leodiensi.

SANCTVS Gengulphus martyr, fuit natione Burgundus, instituto laicus, & Regi Pipino militari officio coniunctus. De vita & miraculis, propter crebras barbarorum incursiones pauca fidei relatione comperta habentur. Quorum vnum est, quod regio ministerio perfunctus, fontem emerit in Capania quem diuinitus Varenas transtulit, vbi saluberrimè exundat, & per eius suffragia multis adfert sanitatem. vita functus ab amitis suis *VVildetrude & VVildegosa* Varenæ est sepultus in basilica quam ipse construxerat, & dotaue- rat in honorè S. Petri. Historiam vitæ in carmina redegit *Rosuidis*, Abbatissa Gandersheimensis. Huc autem ista adferenda putauimus, quod reliquiæ huius Martyris multis miraculis claruerint in parochiali & collegiali
Eccle-

Ecclesia S. Gangulphi, opidi Flotinensis. Unde dictæ Ecclesiæ foundationem, & patroni miracula, peculiari libro Gonzo, quartus Abbas monasterij S. Ioannis Baptistæ Florinensis descripsit. Præterea legitur in vernaculis Hollandiæ Chronicis, VVulfranno Episcopo Frisijs Christum adnunciante, Sanctum Gongulphum equitem & Burgundiæ Comitem auctoritate & mandato Regis Pipini, potentia sæculari cooperatum fuisse, eumque ob id toto anno residisse in *Medenblic*, & Episcopo petente prima iecisse fundamenta Ecclesię in *Oostvroude*.

Addunt nonnulli Gengulphum, Venantium, & Pharaildem ex materno latere fratres fuisse Sanctæ Gudilæ: quod ab alijs negatur. Ita ferè Molanus in Natalibus Sanctorū Belgij. Quod ad Collegium Canonorum Florinense attinet, Ioannes Placentius in Catalogo Episcoporum Leodiensium tradit, id constitutū esse an. salutis millesimo octogesimo.

CAPVT LXXXVIII.

HAIBACENSE COLLEGIVM

in Germania.

COLlegiata ista Ecclesia in radicibus Alpiū, nō procul à *Murnau* & *VWilheim*, fundata est à Nortberto Comite Hochévartési, ex familia Anderésiū Comitū qui fuit Prepositus olim cathedr. Augustannæ Eccl. & postea